

# استقبال النسا

ازيكوا يادكاترة

النهاردة هنتكلم عن الي بيتعمل في كشك النسا

الي في الدور الارضي جنب المساجين

اولا سيبك من موضوع المسجون دة

خليك في العيانيين العيانة داخله عليك

هتعمل ايه اولاً هتقعدھا ..... يا علي الكرسي الي جنب المكتب او في اوضة الكشف ..... و هتطلع اهل العيانة برة

بشرط يبقي معاك ممرضة امتي اهل العيانة يخشوا معاك

لو Shocked علشان يسندوها

Or virgin علشان → medicolegal يعني انسة اي لم يسبق لها الزواج من قبل حتي لو حامل في الشهر التاسع!

و دول هيخش معاها امها او اختها وياريت امها (ممنوع الرجالة تخش عندنا)

اول حاجة هتسال العيانة:

- ? عندك كام سنة
- ? متجوزة من امتي
- ? خلفت قبل كدة
- ? معاك كام عيل
- ? قيصري ولا طبيعي
- ? كام واحدة قيصري
- ? حصل مشاكل بعد الولادة نزفت – اتنفلك دم – سخنت
- ? ولدت قيصري في انه حنة (قصر – جامعة – خصوصي – انا اصلا من القاهرة / البحيرة)
- ? ولدت طبيعي فين (قصر – جامعة – البيت – عيادة خصوصي – او في محافظة تانية)
- ? سبب القيصرية ايه
- ? اول يوم في اخر دورة امتي
- ? جاية تشتكي من ايه

غالبا قبل ماتقول الكلام الكثير الي فوق ده هتكون هيه قلنك انها بتشتكي من

- ☑ متحولة من دكتور فلان علشان معادها عدي والرحم مفتش
- ☑ نزل عليها ميه
- ☑ حسها بوجع شديد
- ☑ متحولة من طوارئ الجراحة علشان وجع في جنبها
- ☑ عندها افرازات من تحت
- ☑ دكتور في عيادة كان بشيلها اللولب و الفتل اتقطعت وقالها روعي المستشفى حالا علشان يجيبوه بالمنظار
- ☑ اللولب مش حاساه بقالها يومين
- ☑ حامل في الشهر الثاني ونزل عليها دم و الدكتور ادتها اقراص بالبق و لبوس شرجي و النزيف زي ماهوا

- ☒ حامل في اول 3 شهور وجالها وجع شديد و نزيف شديد
- ☒ عني افرازات من تحت ريحيتها وحشة
- ☒ عندي نزيف بقالي 9 ايام و الدورة ملخبطة عليا

اولا فائدة التاريخ المرضي الطويل ده انه يحاول تخليك تفكر في الحالة امراض توليد ولا امراض نسا

اولا نفرض ان عيانة جاية بالشكل ده

- ☐ عندك كام سنة
- ☒ 22
- ☐ متجوزة من امتي
- ☒ 4 سنين
- ☐ خلفت قبل كدة
- ☒ معاية ولد
- ☐ ولدتيه طبيعي ولا قيصري
- ☒ قيصري
- ☐ عملتيها فين
- ☒ في الجامعة هنا
- ☐ حصلك مشاكل بعدها نزيف او انتفلك دم او سخنت و اتحجرت
- ☒ لا
- ☐ طب قولك ايه سبب القيصرية
- ☒ ان الواد كان مدبر
- ☐ خدت الحقنة الغالية بعدها
- ☒ لا
- ☐ سقطت قبل كدة
- ☒ ايوه
- ☐ كام مرة
- ☒ مرة واحدة قبل ماجيب الولد الي معايا
- ☐ اتعملك كحت بعدها
- ☒ ايوه
- ☐ طب ابنك عنده كام سنة
- ☒ سنتين و نص
- ☐ طب اول يوم في اخر دورة امتي
- ☒ 1-25 والنهاردة 4-19
- ☐ ده كان اول يوم فيها ولا اليوم الي اتشطفتي منها
- ☒ لا اول يوم فيها
- ☐ طب جاية تشتكي من ايه ياستي
- ☒ نزل عليا دم من تحت
- ☐ كتير ولا نقطتين دم
- ☒ لا كتير

ده هينكتب ازاي في الروشتة

- 22
- Married 4 years

- *P1+1 → D&C*  
*C. Section → breech*
- *Youngest 2.5 years*
- *LMP: 25-1*
- *EDD: 2-11*

بحييه ازاي

سهلة: بزود 7 علي اليوم و 9 شهور علي الشهر لو في اول 3 شهور او انقص 3 من الشهر لو اكثر من 3

$$25+7 / 1+9 \Rightarrow 32 / 10 \Rightarrow 2/11$$

Gestational Age بحسبه ازاي

بفرض ان النهاردة هو تمام الشهر

مثال النهاردة 4/19 ← هقول ان النهاردة 4/25

ببقي كدة دي ← 2/25 - 3/25 - 4/25

ببقي 3 شهور ← يعني 13 اسبوع

بس النهاردة 19 مش 25 ← يعني ← 6=19-25

يعني 13 اسبوع ناقص 6 ايام ← يعني 12 اسبوع ويوم

- *Gestational Age: ± 12 wks. + 1 D*

و دي عندها نزيف في اخر الشهر الثالث يعني

1<sup>st</sup> trimester bleeding = bleeding in early pregnancy = abortion, ectopic, Vesicular mole (rare)

- ☐ ? النزيف يامدام باديء من امتي
- ☒ من امبارح
- ☐ ? طب النزيف طلع فيه كلاكيغ او حنت دم مجمدة
- ☒ ايوه النهاردة الصبح
- ☐ ? الكلاكيغ دي زي حنت الحمة او الكبد ولا دم متجلط
- ☒ هو عامل زي حنت اللحمه
- ☐ ? طب النزيف لسه موجود دلوقتي
- ☒ ايوه
- ☐ ? طب فيه وجع في ظهره او من تحتك
- ☒ ايوه فيه وجع في ظهري
- ☐ ? و متنساش تسال العيانه علي Past history
- ☐ ? اتعملك عمليات قبل كدة - اتنقلك دم قبل كدة - بتاخدي حقنة انسولين طويل المدي - عندك حساسية علي صدرك - عندك السكر او الضغط
- ☒ ايوه اتعلمي الزيادة

- *Appendectomy*

لاحظوش العيانة علشان Pallor

العيانة داخلة كويسة ولا اهلها مسندنها ← لو اهلها مسندنها متخضش قيسلها النبض والضغط و طمنهم

العيانة دي الي فوق الي جاية بنزيف في اول الحمل هتقيسلها النبض والضغط

**لو لقيت النبض عالي و الضغط واطي بسرعة قول للنائب الي معاك**

لو النبض والضغط كويسين و خاصة النبض

قولها طب عن اذنك يامدام نزلي هدمك من تحت علشان افحصك من تحت

و اطلع من الاوضة و سيب التمريض معاها و استنتي شوية علشان هتعمل فحص مهبل

هتشوف عنق الرحم فاتح ولا لا ..... و سواء كدة او كدة هتكتبلها علي ريكويست سونار

نشرح بقي الحالة دي

Bleeding in early pregnancy

اولا احنا عارفين الثلاثة الاساسين ← Abortion, ectopic, vesicular mole

اغلب الحالات سقطو قليل اما تشوف حمل خارج الرحم اكنه اخطر واحد فيهم و اقل واحد ممكن تشوفه هو الحمل العنقودي

اولا لو اي حالة جاية بنزيف و هي في child bearing period يعني من 14 سنة الي 52 سنة

هنعملها اختبار حمل pregnancy test (حتي لو كانت قريبتك ده **Medicolegal**)

فيه اتنين و احد غالبي و اسمه baby check بال E و ده ب 8 جنية {و زيه حاجة اسمها *senso* بس احنا مبنكتبوش الصيدي هو الي بيطلعه كبديل}

و واحد رخيص و اسمه Baby chick بال I و ده شريط ب 3 جنية (ولازم تكتب جنبه ابو 3 جنية)

الي الان شوفت 8 حالات الدورة نازله عليهم ثقيله/ او قبل ميعادها و طلعا حوامل

و شوفت حالة بتقول انها حامل و عملت اختبار حمل من يومين و طلع موجب و عيدنها الاختبار طلع سلبي

ده سواء كانت حامل او لا

لو هي حامل في اول شهرين و نزل عليها دم برده هنطلبهولها علشان اتأكد انه مش missed

طلعت حامل باخبار الحمل ( الجهاز علم شرطيتين)

نعمل ايه الاول زي اي حالة نزيف نتأكد انها مش shocked نقيس النبض والضغط و اشوف الpallor و sweating

ممكن النبض يبقي عالي شوية بس مش فوق 100 و الضغط ممكن يبقي واطي بس مش تحت 90/60 و ده عادي لان الحمل نفسه بيعمل كدة و مع النزيف و الوجع اكيد الموضوع هيزيد شوية

shocked مش هشوف abdominal examination

لو فوق 16 اسبوع هحاول اسمع العيل

لو اقل يبقى اكيد اصلا مش هتلاقي حاجة تعملها examination لان uterus تحت symphysis pubis

لو العيانة فيها وجع شديد ممكن اشوف abdominal rigidity & tenderness ← دول و العيانة shocked

اركب كانولتين و تطلع القسم علي طول = disturbed ectopic → stabilization by 2 cannula

لو abdomen lax & not tender اتأكد انه inevitable abortion هعمل PV

انا هشرح الفحص المهبلي بس مش دلوقتي هقوله في management of labor

بس اتأكد ان عنق الرحم cervix فاتح ولا لأ

لو فاتح هفكر في ← inevitable abortion, incomplete abortion

لو قافل افكر في ← threatened abortion, complete abortion, missed abortion و ECTOPIC

هفرق بينهم بالسونار

threatened abortion منذر

**Threatened abortion** = spotting + mild pain + closed cervix + US "fetus normal, fetal Heart rate seen, mild decidua hematoma" →

دم قليل مجرد تنقيط – مفيش وجع او وجع قليل اوي و الواد كويس و Gestational Age بالسونار زي او قريبيه من LMP

و الرحم مقفول

دي هتأخذ علاج و تروح

قرص مرتين في اليوم كل 12 ساعة لمدة اسبوع 1x2x7 Utrogestan tab

حقنة عضل كل 3 ايام لمدة اسبوع Cidolut depot amp

لبوسة شرجية كل 12 ساعة لمدة 3 ايام 1x2x3 Profenid rectal sup

**Inevitable abortion** = more bleeding increasing + moderate pain in back & referred to perineum + opened cervix + US "fetus normal, GA same as LMP, Fetal Heart seen

اجهاض

نزيف بزيد و وجع شديد في ظهرها و تحت منها – abdomen lax & not tender و العيانة مش shocked

عنق الرحم فاتح و الدم بينزل علي ايدك ← عملت سونار الجنين موجود و ضربات قلبه شغالة و عمر الجنين بالسونار زي LMP

دي هتطلع قسم النسا – تكتب دخول قسم النسا و الطوارئ و تكتب اسم النائب و قبله ط.م و اسم المدرس المساعد و قبله م.م و تخلي النائب ياكلش عليها

و العيانة تركب كانبولا و نعملها فصيلة و طبعاً نكون قسنالها الضغط (لو اكتر من 20 اسبوع هتعمل زلال في البول) و تروح تقطع تذكرة الدخول – و تبلغ بيها النائب لو سايبلك الكشك لوحدك

**Complete abortion** = bleeding increased with parts like meat coming from now bleeding is decreasing, pain was rising then start to decrease, cervix closed + US " Empty uterus, no fluid in cul-de-sac, no adnexal mass" + pregnancy test +ve

اجهاض مكتمل  
نزل عليا دم و خدثله دوا و الدم فضل زي ماهو و نزلت كلاكيح / حنت لحمه / الواد نزل علي ايدي بس الدم لسه موجود بس قليل – كان فيه وجع في الاول شديد اوي ودلوقتي بدء يقل – عنق الرحم قافل – السونار الرحم فاضي و مافيش حاجة في Douglas pouch و مافيش حاجة في الانبوبة ولا المبيض علي الناحيتين  
Minimal fluid in cul-de-sac ممكن يكتبلك في السونار متخفش منها دي حاجة طبيعية  
برده دي هتطلع طوارئ قسم النسا – كانيولا وفصيلة و ضغطو و تطلع

**Incomplete abortion** = bleeding increasing with parts like meat coming, severe pain increasing, cervix opened + urgent US "fetus pole seen, no fetal pulsation, GA = or less than LMP"

اجهاض غير مكتمل  
عيانة بتصوت و النزيف عليها شديد ونزل معاها حنت زي الحمة و الوجع شديد و عنق الرحم فاتح تعمل سونار بسرعة و لو مش فاضي تطلع علي طول قسم النسا تعمل سونار هناك – السونار هيطلع ان فيه بقايا جنين في الرحم بس لا يوجد نبض و البقايا دي غالبا عمرها بالسونار اقل من LMP  
دخول قسم النسا و الولادة و تطلع علي ترولي بعد ماتقسلها الضغط وكانيولا وفصيلة

**Missed abortion** = minimal bleeding for long duration > 5 days, mild or moderate pain if any, closed cervix + US "fetus pole seen, No fetal pulsation, GA less than LMP"

اجهاض داخل الرحم  
نزيف عليها بقالة فترة ومش راضي يقف مع العلاج ووجع في بطنها وضهرها وتحت منها بتأخذ علاج بقالة اسبوع / اسبوعين او ممكن مافيش حاجة من دي خالص تشوف عنق الرحم تلاقية مقفول / تعمل اختبار حمل ممكن يطلع سالب  
تعمل سونار يقولك الجنين موجود بس لا يوجد نبض وعمره بالسونار اقل باسبوعين او اكثر من LMP  
او ممكن تجيلك واحة كانت عاملة اختبار حمل و طلع موجب و من يومين نزل عليها نزيف تعمل اختبار حمل ثاني يطلع سلبي  
دي دخول قسم النسا و الولادة برده – كانيولا وفصيلة و ضغطو و تطلع علي فوق

**Undisturbed ectopic** = minimal spotting + iliac fossa & loin pain + pregnancy test +ve + closed cervix + US "may be adnexal mass + empty uterus"

حمل خارج الرحم  
ده فيلم الرعب الي كلنا مرعبين منه لان ده قنبلة موفوتة ممكن تنفجر في اي لحظة  
واحدة حامل في الشهر الاول او بداية الشهر الثاني او الدورة مغيباها و عملت اختبار حمل و طلع موجب و نازل عليها نقطتين دم و شوية وجع في بطنها خفيف فحصناها من تحت لقينا عنق الرحم قافل تقولها تعمل سونار هيجيلك 3 نتائج

1. Intrauterine gestation, fetal pole seen, no adnexal mass => **threatened abortion**  
ان الرحم موجود فيه حمل و مافيش حاجة في الانابيب و لا المبيض – يبقي ده اجهاض منذر
2. Empty uterus, adnexal mass with fetal pole / heart seen in the RT/Left tube =>  
**undisturbed ectopic**  
ان الرحم فاضي و ان فيه حاجة في الانابيب و ممكن يشوف قلب الجنين في الانبوبة ولو ان ده نادر  
الحالة دي دخول قسم النسا و الولادة لمتابعتها بالسونار و عمل اللازم – كانيولا وفصيلة و ضغطو و تطلع
3. Empty uterus, no adnexal mass = **querry ectopic**

الرحم فاضي بس الانابيب و المبيض سليم و اختبار الحمل موجب  
العيانة دي هتعمل تحليل **quantitative β-HCG** في الدم في معمل بره و تجيبهولك  
لو اقل من 2000 هنكرره بعد يومين لو اكثر من 2000 هتطلع قسم النسا و الولادة

## الولادة

دول 90% من الحالات الي بتيجي الكشك

اولا نفس history الي فوق هناخد

بس فيه حنة صغيرة نسيت اقولها هتسالها

حملت علي طول و لا اتاخرت في الحمل لها هي اول مرة تحمل و دي بتنكتب PG

مثال

? عندك كام سنة

23

? متجوزة من امتي

3 سنين

? خلفت قبل كدة

لا

? يعني ده اول حمل ليكي

ايوة

? يعني مسقطيش قبل كدة

لا

? طب قعدت قد ايه قبل ماتخلمي

حوالي سنتين

? خدت منشطات للتبويض و اتعملك تحاليل انت و جوزك

ايوة

? طب اول يوم في اخر دورة امتي

15/7

و كمل عادي

- 19 yrs.
- Married 1.5 years → primary infertility for 2 year
- PG
- LMP:22/7
- EDD:22/4
- GA (at 19/4) :  $\pm 40\text{wks} + 3D$

? جاية تشتكي من ايه

متحولة من دكتور فلان علشان معادها عدي والرحم مفتحش

نزل عليها ميه

هتعملها ايه تسالها

نزل عليك مية او دم يامدام

لو ميه كتير و غرقت الارض و لو شوية صغيرين

لو دم كتير و معاه وجع شديد و لا دم ممخط

طب حركة العيل كويسة

و بعدين تعملها abdominal examination & PV

الاول خلينا في الحالات الي هتجيلك

ولادة طبيعية

حامل و فيها وجع و بطنها بتحجر عليها  
هتسمع العيل بالبينارد  
و بعدين تفحصها من تحت بعد طبعا ماتنزل هومها (طبعا ان قولتها تنزل هومها من تحت قبل الكشف مش كدة و لا ايه)

## شرح PV

اولا الفحص المهبلي مينفعش يتشرح نظري لازم تعمله بايدك و لازم يكون جمبك حد اعلي منك يقولك انت هتعمل ايه  
هتلبس gloves البلاستيك مش اللاتكس plastic not latex gloves الي هيه شفافة هتلبس اتنين فوق بعض علي ايدك اليمين  
و هتخط جل علي صابعين ال index & middle الي انت هتفحص بيهم ممكن تلبس glove في ايدك الشمال لو انت عايز  
علشان لو لمست بطن العيانة

الاول هتقول للعيانة تضم رجليها عليها و تبعدن عن بعض ← اغلبهم لن يستجيب ظنا منهم انك بتكلم لاوندي او نتيجة  
للرعب الي هما حاسين بيه

هتدخل index او middle finger و هما عمودين علي بعض في interior uterine و بعد ماتخش شوية هتلف ايدك بحيث يبقوا  
horizontal جمب بعض و هتحاول توصل لل cervix و دخل صوابك كويس عنق الرحم ده علي بعد 10 سم و انت صابعك  
السبابة يدوب مايحصلش 9 سم و الوسطي يدوب 10 سم بالعافية ده اذا ماكنتش ايدك صغيرة  
اكثر حاجة هتاكدك ان وصلت لعنق الرحم ان الست ياتتالم يا تصوت ياتشد نفسها يا انت تحس راس العيل او كيس المية او  
تحس عنق الرحم نفسه

غالبا الست اول ماتدخل صابعك هتشد نفسها و تضم رجليها علي ايدك و دراعك ده حاجة طبيعية قولها بنبرة امر بدون زعيق  
"مينفعش كدة بامدام، ابعد رجليك عن بعض و ماتشديش نفسك و خدي نفس جامد علشان متتوجعش"  
هتسح ايه و انت جوة احساس غريب المهم

ممكن تثبت بطن الست بايدك الشمال علشان مترفعش نفسها و علشان لو fetus مش engaged  
وصلت لل cervix دي اهم حاجة تحاول تخش بصابعك فيه يعني تزق صابعك عليه دخل / تزق الثاني او العكس تحاول تدخل  
صوابك الاتنين فيه لو ماخلوش حاول تدخل واحد طب لو دخلوا الاتنين زقهم لغاية ماتحس حاجة ناشفة فوق ايدك دي راس  
العيل ابعد صوابك بقا عن بعض و شوفهم هيفتحوا قد ايه

طب لو ماخلوش خالص بيبقي cervix closed

طب لو واحد دخل و الثاني لأ بيبقي 1 finger = 2 سم تقريبا

طب لو صابع واحد دخل بس بالعافية 1 fingertip = 1 سم تقريبا

طب لو واحد دخل و الثاني بالعافية 1 finger and half = 3 سم تقريبا

طب لو الاتنين دخلوا بس مش قادر تفتحهم عن بعض 4 = 4 سم تقريبا

طب لو الاتنين دخلوا و بيفتحوا عن بعض بالعافية 5 = 5 سم تقريبا

طب لو الاتنين بعنوا عن بعض خالص = اكثر من 8 سم 9 او 10 انت ورايك ياريس

لاحظت حاجة ان كل الحاجات دي تقريبية

ثانيا اقل من 4 سم مش هتقدر اوي تحس راس العيل بس الا لما تزق ايدك جامد

كمان اكثر من 5 سم بتلاقي الدنيا مريحة معاك هتسح اسهل و ياريت اول واحدة تحسها تكون 5 او 6 لان دي اسهل حالة  
هتسحها

لاحظ برده ان عنق الرحم قدام و الرحم بيبقي قدام فوانت داخل هتخش لتحت و للخلف وبعدين تعدل ايدك لحد ماتحس لقدام و  
لخلف علشان تحس عنق الرحم

الفحص المهبلي مش بتشوف فيه بس عنق الرحم لأ بحس فيه fetal presentation

لو فيه حاجة ناشفة فوق ايدك بيبقي head

لو فيه حاجة طرية و عمالة ترحلق معاك بيبقي breech و غالبا عنق الرحم هيبقي قافل و الدنيا كلها soft

ثاني حاجة بشوفها بالفحص المهبلي هو effacement

و ده طبعا لو عنق الرحم فاتح ياتري هو effaced قد ايه ..... غالبا قد ال cervical dilatation

يعني لو عنق الرحم فاتح 5 سم بيبقي effaced 50%



و لو فاتح 4 سم يبقي 40% effaced

انا بحس ال effacement الي هو طول cervix علي جانبي صوابي و انا بفتحهم يعني صابعي داخل قد ايه في عنق الرحم لو داخل عقلة كاملة يبقي not effaced

1/2 عقلة يبقي 50%

1/4 عقلة يبقي 70%

مش حاسة خالص او just rim يبقي fully effaced و غالبا ده لو الست خلاص الراس نزلت

بردة بحس fetus station غالبا هيبقي اقل من 0 يعني -2 او -1 و ده لو الراس عالية يعني بتزق ايدك في عنق الرحم علشان تحسها

طب لو صفر مجرد ماتدخل صابعك في عنق الرحم تلاقي الراس فوق ايدك

طب لو لقيتها تحت عنق الرحم يعني الست خلاص الراس بتنزل يبقي انت في +1 او +2

### ملاحظات هامة وانت بتعمل PV

اول كلمة لازم تفهمها انك بتحاول تري بالفحص المهبلي مش بس احساس يعني بتحاول تشوف بايدك

See with your own fingers

ثانيا حاول تتجنب انك تخش في posterior vaginal fornix و ده هتلاقي كل الستات

Cervix 6 cm dilated, fully effaced, presentation not felt

وده لو فضلت مدخل صوابك لتحت و للخلف و ماعدلتهاش

انت كدة لسة ماکملتش ال PV

هتسح bag of Forewater طيعا كل ده لو عنق الرحم فاتح و دي بالضبط كيس مية تحت ايدك و ده لازم تزقه شوية

علشان تحس ال presenting part واتخفش مش هتفرقه الا في حالتين لو مربى ضواقر طويلة اوي او لو انت صوابك

طويلة اوي 15 سم او يزيد و علشان تتأكد من كلامي جيب بالونة واملاها مية و زقها من ناحية بصوابك الاتنين هتلاقيها

بتخس معاك وما بتفرقش

طب لو الست نازل عليها مية كتير وانت مش حاسس كيس المية يبقي ROM Rupture of membranes

خلصت ال PV

اطلع بقي بس استني قبل ماتقلع ال gloves شوف عليهم ايه ممكن تلاقي عليهم دم - افرازات مجبنة - مخاط معرق بدم - ميه

مغرة كيس الجواني

و قول للست تلبس هومها من تحت كدة انت خلصت كشف

او تقول للنائب بالداتا الي معاك و خلية يشوف الست و يتأكد من كلامك

### *Ethical points during PV*

❖ اول الفحص المهبلي مش حاجة والسلام لا انا بعمل فحص مهبلي علشان اطلع داتا تفيدني في diagnosis

❖ ثانيا مش عيب انك تغلط في الفحص المهبلي بس العيب انك تغلط فيه علي طول

❖ ثالثا حافظ علي كرامة المريض الي اقصى الحدود هما صحيح هيعاندوا معاك في الفحص المهبلي خاصة لو كنت

راجل بس برده ماتز عش معاها

❖ رابعا بالنسبة للبنات لما يبقي دكتور راجل ماسك حالة وخذ الشيت و هيعملها فحص مهبلي و الست رفضت

مانتزلوش بلسانكم و تقولوا طب انا الي هعملك " انت كدة بتهيني الطب اول و زميلك ثانيا و غالبا انت قبلهم لو

طلعت داتا غلط"

❖ خامسا الي معاه الحالة بس هو الي يفحصها لانه هو الي عارف انه يفحصها ليه لان في احيان كتيرة كان بيحي

ناس من مجموعتنا او حتي ناس من الاستقبال العام او قسم الباطنة يلاقي النائب بيفحص حالة يروح قايم لابس

ال gloves و داخل عامل PV و بعدين النائي يقول عنق الرحم قافل cervix closed يقولوا فعلا closed و يطلع

يسيب الحالة و يمشي يعني دخل يحط صابعه في vagina بتاع واحدة ست و طلع ده بالنسبة ليا ده

Patient molestation under the name of medical procedure

و برده لو من نفس المجموعة و دخل علي حالة مش عارف عنها اي حاجة و عملها PV وسابها و مشي انا مش


هقدر اسميها سوي ان دي قلة ادب

و أشهر حاجة ببقى عايز ازنقه فيها هو indication of PV in this case  
طبعا هيقولك علشان cervix اشوفه فاتح ولا closed  
طب قولة الحالة دي antepartum hemorrhage ويمكن تكون placenta previa وخاصة ان ممعهاش وجع  
و سيبه و امشي  
❖ سادسا ماتمسكش في الحالة لو اصرت علي رفض ال PV سيب النائب بس هو الي يعملها PV و غالبا هترفض معاها  
و لو جابت دلفها و راسها معصاجة مضيقها علي التذكرة انها رفضت الفحص المهبلي



*Sick people are the burden of society, doctors must bear that burden, other wise without that burden – sick people- doctors will be the burden that society must bear.*

الفحص في النساء بس مش الفحص المهبلي فيه برده فحص البطن abdominal examination  
بفحص فيه ايه  
اولا علي حسب الحالة – لو حامل في الشهر التاسع و بتقول نزل عليها ميه او دم بشوف uterine contraction  
هشوفها ازاي هحط ايدي علي fundus طب اجيب ال fundus ازاي  
هنعمل MacLeod Maneuver اولاً هنجيب ال fundus level ازاي هتكور ايدك الشمال علي شكل قوس و تبدأ تنزل بيها  
من تحت ال xiphisternum لحد ماتلاقي حاجة مكعورة تحت ايدك شوف بقا انت واقف فين



لقيت ال fundus وعرفت تجيب GA منه امسك fundus بايدك اليمين و شوف انت ماسك ايه؟ حاجة طرية و دي اغلب  
الحالات تبقي دي رجل الولد و الولد ده cephalic presentation ، حاجة محجرة تحت ايدك و لما تتك عليك الام وشها  
يتغير (قصدي العيانة مش امها طبعا) يبقي ده ال Head و الولد ده breech presentation

بعده كدة عندك umbilical grip و ده هتخلي ايدك الاتنين زي القوس و اليمين هتحتها علي شمال بطن العيانة في مستوي السرة و طبعا الشمال علي يمين بطن العيانة في مستوي السرة و هتثبت ايدو ترق من اللمة الثانية و شوف انت حاسس ايه بالايدي الي انت مثبتها هل حاجة مكورة تبقي الback و لو لقيت حاجة مكعبة و بتتحرك تحت ايدك بيبقي ده الlimbs المفروض ان ايدك اليمين تحس حاجة مكورة الي هي الback و كدة الfetus presentation بيبقي LOA الاتنين التانيين ملقتش حد بيعملهم خالص

كدة انت حسيت الجنين (البابي) فاضل تسمعه، هتسمعه بايه طبعا بالبينارد طب هسمعه فين وازاي عندك umbilicus هتقسم المنطقة الي حواليها الي 4 تربيع و هتخط السماعه الاول في اشهر مكان ممكن تسمع فيه الجنين علي الناحية الشمال تحت السرة بين السرة و الleft ASAS علي بعد حوالي 4 سم من السرة مسمعتوش اضغط كويس بالبينارد بحيث تزنق البينارد بينك وبين بطن العيانة ملقتوش روح الناحية اليمين تحت السرة ملقتوش اطلع فوق السرة يدوب فوق السرة ملقتوش قول للنائب انك مش سامع الfetal heart sound و غالبا هو هيسمع و يسمعهولك ملحوظات

اغلب الناس مابتعلمش MacLeod maneuver وهي بتكشف علي الست الحامل ممكن تسمع الجنين بالسماعة العادية ولو ان ده غير مقبول بتاتا في الجامعة انما انا شوفت نواب في القصر بيعملو كدة وانت بتسمع بالبينارد شيل ايدك خالص من علي السماعه بعد ماتثبتها بين وذنك و بطن الست الحامل لان ده بيمنع الصوت ياريت تكون بتسمع في اوضة هادية و ده مش هيحصل فاعتمد علي القدرة الرهيبة الي ربنا اداها لمخنا في تميز حدة الاصوات "احمدك يارب"

الصوت الي بتسمعه ده transmitted sound on the amniotic fluid علشان كده ممكن تسمع صوت الجنين في اي ربع من الاربعة المهم اكثر مكان بتسمع الصوت فيه فين

المفروض انك تحس نبض الام عند carotid وانت بتسمع الجنين علشان تفرق بين دقات قلب الجنين و uterine soufflé المفروض مع الخبرة تقدر تقول هل دقات قلب الجنين دي كويسة و طبيعية و لا سريعة tachycardia ولا قليلة Brady و غالبا بنسبة 99% مش هتقدر تجيب الخبرة دي في الشهرين دول(في نواب سنابر الي الان مقدروش يوصلوا للخبرة دي) احنا لسة مخلصناش كشف علي بطن الست لسة هتشوف فيها contraction ولا لا هتعمل ايه

هتخط ايدك علي بطن الست علي fundus الي غالبا هيكون just below xiphisternum و تمسك ساعة يد بعقارب و هتعد عشر دقائق المفروض الطبيعى ان الرحم والبطن يبقوا مريحين تحت ايدك و لما يحصل طلق هتطلق بطن الست حجرت تحت ايدك و التحجيرة دي هتقعد حوالي 45 ثانية المفروض لو الست بتولد علي الاقل هتجهر تحت ايدك 3 مرات في 10 دقائق طب لو اقل من كدة بيبقي الوجع ده ياما false labor pains الي اسمها التفاسيح يا هناك سبب ثاني ملحوظات هامة

فيه حاجتين ممكن يلخبطوك مع الطلق contraction وهما راس العيل و ده لو الولد breech ودي هتلاقي فيه حاجة ناشفة تحت ايدك لكن تحت شوية الدنيا طرية و مريحة خالص و طبعا الانقبضات الرحمية مش هتبقى متركزة فوق بس انما هتبقى في الرحم كله و غالبا الست هتبقى عارفة ان الولد مدير و نازل برجله و هتقولك (امال فايده السونار الي بيعملوه في العيادات الخاصة ايه)

الثانية و هي الplacental abruption خاصة لو concealed hemorrhage دي هتلاقي بطنها كلها محجرة و ناشفة تحت ايدك من اول ماتحسها و فيها وجع شديد مببروحش و ممن يكون نازل عليها دم جامد بس اكثر حاجة هتاكدك الموضوع ان تحس الcontractions تلاقى عدت دقيقتين و 3 و الست لسه الطلق موجود ده ايه الست الجبارة دي طبعا ده مش طلق ده نزيف داخل الرحم و غالبا الست دي preeclampsia فلو قيستلها الضغط هتلاقيه عالي علي الاقل diastolic خاصة لو

النزيف شديد علشان decapitated blood pressure او الاتنين عاليين و عندها زلال في البول

\* سؤال بقا ايه الحاجات الي تعمل Decapitated BP في الطب كله؟

طب خلاص دلوقتي كشفت علي الست

شوفت بطنها و سمعت العيل و عملت PV وشوفت cervical dilatation & effacement و قيستلها الضغط و عدتلها

contractions في 10 دقائق طب ايه management بتاعي

لو حالة في ولادة يعني عنق الرحم فاتح اكثر من 4 سم او ببجيها 3 او اكثر طلاقات في ال10 دقائق كانيولا وفصيلة ودخول قسم النساء و الولادة وطبعا ضغطو زلال قبلهم

لو حالة عدت ميعادها و معملتش قيصريات قبل كدة و لسة معدتش 41 اسبوع و 4 ايام دي تروح و نديها شوية نصائح تعد حركة العيل ازاى تشرب حاجات مسكرة و تعد حركة العيل من الساعة 9 الصبح الي الساعة 9 بالليل الحركة الصغيرة "بالبلدي النكشة" بواحد والحركة الكبيرة "الكعورة" بواحد برده علي الاقل تعدي 10 حركات يماما لو حركة العيل قلت تجيلنا علي طول.....تشرب حاجات مسكرة كتيرة وسوائل كتير و تتمشي كتير و لو نزل عليها دم او مية غرقت الارض او جالك وجع بتكرر كل شوية مرة كل ربع ساعة علي الاقل تعالي بسرعة يامدام لو حالة عدت ميعادها و عمله قيصرية قبل كدة 1 previous بلغ بيها النائب فيه نواب هيدخلوها و نواب هيروحوها زي الي قبلها

لو حالة نازل عليها مية تسالها مية غرقت الارض و لا مية معرقة بدم قالتلك مية معرقة بدم يبقي ده العلامة show افحصها و غالبا هتلاقى بتولد و هتطلعها ضغط و زلال و كانيولا و فصيلة و دخول قسم التوليد و امراض النساء لو مية غرقت الارض هتشوف GA لو لقيتها 38 اسبوع او اكثر هتفحصها و تشوف عنق الرحم فاتح ولا لأ و سواء فاتح او لأ دي هتطلع القسم هتعملها الاول request sonar اشعة تليفزيونية علي الرحم او الجنين و تطلب فيه amniotic fluid index و BPP و fetal movement و بعد كدة تطلع

طب لو اقل من 38 اسبوع هتجيب sterile Cusco وانت لابس sterile latex gloves و بدون ماتعوص لا الكاسكرو ولا ايدك جل (بدون جل) هتعملها sterile Cusco examination و تشوف فعلا فيه ميه نازلة ولا لأ "بتهل يعني عندها شوية افرازات مثلا او عملت حمام علي نفسها" هتشوف cervix ال cervix و تقولها كهي يامدام لو PROM يعني فيه ميه بتيجي من cervix هتطلع القسم فوق لو مفيش هتلبسها حفاضة "من القطن" و قلها تلبس الحفاضة دي و تتمشي شوية و تشرب سوائل كتير و تيجليك كمان ساعة علشان تبص عليها " لو قلتها كمان 1/2 ساعة هتجيلك بعد 10 دقائق" لو لقيت الحفاضة مبلولة اعصرها و شم ريحتها المفروض ان amniotic fluid ليه ريحة مميزة غير ريحة البول تماما و غير المية و غير الافرازات ، ممكن تلاقي القطنه فيها لون مخضر ده meconium و ده معناها ان ده غالبا amniotic fluid و ده طبيعي المهم لو طلع فعلا ده amniotic fluid دي هتخش قسم النساء و الولادة بعد قياس الضغط والزلال و كانيولا و فصيلة و عمل سونار علي الرحم

حالة جاية بتقولك نازل عليا دم و هي في الشهر التاسع هتقولها دم دم ولا مخاط معرق بدم لو قالت مخاط معرق بدم دي العلامة show طلعتها علي السرير و افحصها غالبا هيكون معاها طلق وجع بيروح و يجي و مع الوجع ده نزل نقطتين دم لو cervix فاتح اعملها دخول لو مش فاتح هتروح و معاها التعليمات السوائل وحركة البابي والدم و المية والتمشية الكثير لو قالت نازل عليا دم كتير الاول قيسلها الضغط لتكون shocked او preeclampsia بعد كدة قولها و ريني البنطلون الي هي لابساه لو فيه نزيف كتير هتلاقي البنطلون غرقان و مغرقة المكان الي بتقعده عليه حس بطنها و اسمع العيل و اعملها request sonar لو هتستحمل معاك و دخول قسم النساء فوراً طب هكتب ايه في request السونار placental site BPP و refractory index

دي الحالات الي هتجيلك في اخر شهر في الحمل

### بعض الحالات المهمة

اي حالة severe preeclampsia لازم دخول قسم النساء و الولادة حتي لو في الاسبوع 28 هتطلع و معاها واحد من الامتياز معاه امبول نيوريل و mouth piece و هتعمل رسم قلب و سونار عاجل اي حالة preeclampsia هتسمع البابي و احس الرحم و اتأكد من الضغط وبلغ النائب بيها بعد طبعا ما عملها زلال اي حالة diabetic و عدت ال38 اسبوع هتخش قسم النساء و الولادة بعد طبعا ما تقسلها الضغط وزلال و كانيولا وفصيلة و تسمع العيل و تقيسلها السكر